

325

BOSNA I HERCEGOVINA
FEDERACIJA BOSNE I HERCEGOVINE
FEDERALNA UPRAVA ZA
INSPEKCIJSKE POSLOVE
S A R A J E V O

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL ADMINISTRATION FOR
INSPECTION AFFAIRS
S A R A J E V O

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ФЕДЕРАЛНА УПРАВА ЗА
ИНСПЕКЦИЈСКЕ ПОСЛОВЕ
С А Р А Ј Е В О

Broj:14-21-4-00104/2020
Sarajevo,24.01.2020.godine

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
N/P zastupnica-Danijela Kristić
veza akt. br. 01-05-41335-46/19 od 22.11.2019.godine**

**KANTON SARAJEVO
Ministarstvo privrede
N/P- Ministar mr.sci.Haris Bašić
veza vaš akt. br. 07-05-25-41335/19 od 23.12.2019. godine**

PREDMET: Odgovor na zastupničko pitanje zastupnice Danijele Kristić, *dostavlja se*

Poštovani,

Federalna uprava za inspekcijske poslove zaprimila je dana 8.01.2020. godine, akte naslovnih organa koji su zastupničko pitanje Danijele Kristić, koje pitanje je uputila na adrese nekoliko organa, sa zahtjevom da joj se dostavi informacija o radnjama i poduzetim mjerama u vezi ispuštanja kanalizacije u rijeku Bosnu iz objekta restorana "Vrelo Bosne," koji objekat se nalazi u vodozaštitinoj zoni unutar spomenika prirode Vrelo Bosne, a za koje je zastupnica od strane građana, obaviještena da se kanalizacija iz pomenutog objekta ispušta direktno u rijeku Bosnu.

Navedeno pitanje, uvažna zastupnica je uputila Ministarstvu privrede Kanton Sarajevo, Agenciji za vodno područje rijeke Save, Kantonalnoj upravi za inspekcijske poslove Kanton Sarajevo, KJKP Vodovod i kanalizacija Sarajevo, KJU za zaštićena prirodna područja kanton Sarajevo i Federalnoj upravi za inspekcijske poslove, koja se ovim aktom očituje kako slijedi:

U vezi sa postavljenim zastupničkim pitanjem uvažene zastupnice Danijele Kristić, federalni vodni inspektori su dana 23.01.2020.godine, izvršili inspekcijski nadzor kod poslovnog subjekta hoteli Ilidža d.d. Bife "Labud" Vrelo Bosne, na adresi Ilidža, Hrasnička cesta br.14 u vezi sa prijavom koja se odnosila na ispuštanje otpadnih voda u rijeku Bosnu, i zapisnikom konstatovali slijedeće činjenice:

-Na navedenoj zemljišnoj parceli, oznake k.č. 621 (dio) K.O. Vrelo Bosne, nalazi se

restoran Hoteli Ilidža d.d. Ilidža, Bife "Labud", Vrelo Bosne.

- Sanitarno-fekalne vode iz restorana se izljevaju u zatvorenu septičku jamu, koja se nalazi ukopana neposredno uz objekat restorana i **nisu uočeni ispusti iz septičke jame u rijeku Bosnu.**
- Putem dvije cijevi u rijeku Bosnu se ispuštaju vode iz oluka, kao i atmosferske oborinske vode, koje se putem kanalisa sa rešetkama prikupljaju i odvede do ispusta u rijeku Bosnu.

Federalnom vodnom inspektoratu je prilikom obavljanja nadzora predočena Analitička kartica za period 01.01.2019. do 23.01.2020. godine, kao dokaz o **redovnom pražnjenju septičke jame** navedenog restorana od strane KJKP Vodovod i kanalizacija d.o.o. Sarajevo, kao i inspeksijski zapisnici kantonalnog inspektora za urbanističko, građevinske, ekološke, komunalne i stambene poslove, te općinskog komunalnog inspektora, kojima **se potvrđuje da nema izlivanja sanitarno-fekalnih voda iz navedenog restorana u rijeku Bosnu.**

Također, smatramo važnim podsjetiti na odredbe Zakona¹ o vodama FBiH čijim odredbama je utvrđeno da je nadležni organ za izdavanje vodnih akata za zahvatanje vode u količini do 10 l/s i ispuštanje sanitarno-fekalnih voda kantonalno ministarstvo nadležno za vode, u kojem slučaju kontrolu zakonitosti vrši kantonalna vodna inspekcija, dok je federalna vodna inspekcija nadležna za kontrolu zakonitosti ispuštanja tehnoloških otpadnih voda, zatim ispuštanje otpadnih voda za naselja koja imaju više od 2.000 stanovnika i zahvatanje vode u količini preko 10 l/s.

Budući da pri sačinjavanju zapisnika odgovorno lice subjekta nadzora nije bilo prisutno, to su postupajući federalni inspektori, u skladu sa članom 112. st.(5) Zakona o inspekcijama FBiH zadužili lice sa kojim je izvršen inspeksijski nadzor, da odgovornoj osobi subjekta nadzora, dostavi bez odlaganja zapisnik na izjašnjenje u vezi utvrđenog činjeničnog stanja u roku od pet dana, a kako zapisnikom nisu utvrđene nepravilnosti u vezi sa kontrolom ispuštanja otpadnih voda, neće se nalagati nikakve upravne mjere.

Nadamo se da smo ovim odgovorili na postavljeno pitanje, u segmentu konkretnog predmeta nadzora glede ispuštanja otpadnih voda, iz ugla i u okvirima zakonom utvrđene nadležnosti federalne vodne inspekcije.

S poštovanjem,

Dostavljeno:

- 1 x zastupnica Danijela Kristić
- 1 x Ministar- Ministarstva privrede Kantona Sarajevo
- 1 x a/a



DIREKTOR

[Redacted signature]

¹ Zakon o vodama Federacije BiH ("Službene novine FBiH" br.70/06)